

SOALAN NO: 563

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

PERTANYAAN : BERTULIS

**DARIPADA : YB TUAN SHAMSUL ISKANDAR BIN MOHD AKIN
[BUKIT KATIL]**

SOALAN :

YB Tuan Shamsul Iskandar bin Mohd Akin [Bukit Katil] minta **MENTERI KESIHATAN** menyatakan apakah tindakan yang telah dan akan dilaksanakan untuk memastikan pusat kitar semula serta kawasan industri bebas dan sifar pемbiakan wabak denggi.

Tuan Yang di-Pertua,

Antara langkah-langkah yang telah dan akan diambil oleh KKM di pusat kitar semula dan kawasan industri adalah:

1. Menjalankan pemeriksaan berkala di pusat kitar semula dan kawasan industri di bawah pentadbiran Pihak Berkuasa Tempatan setiap bulan dengan kerjasama Jabatan Kesihatan PBT sebagaimana dipersetujui dalam Mesyuarat Petugas Khas Denggi Peringkat Kementerian pada September tahun 2014. Pada tahun 2014, sebanyak 7,478 kilang dan

pusat kitar semula telah diperiksa di mana 501 daripadanya didapati membiak Aedes;

2. Menjalankan aktiviti semburan ubat jentik-jentik (larvicing) ke atas pusat kitar semula terutama yang terdapat di lokaliti hotspot. Bagi lokaliti lain, pengusaha pusat kitar semula disarankan untuk menjalankan sendiri aktiviti larvicing dengan pemantauan rapi pihak kesihatan;
3. Menjadikan “pusat kitar semula bebas Aedes’ sebagai satu syarat dalam surat sokongan untuk menubuhkan pusat kitar semula. Pengusaha pusat kitar semula diminta memastikan air tidak bertakung dan menjadi tempat pembiakan nyamuk Aedes; dan
4. Memberi taklimat denggi di kilang-kilang dengan memberi penekanan kepada persekitaran kilang yang bebas dari Aedes. Pihak industri digalakkan menubuhkan skuad Denggi sendiri dan menjalankan pemeriksaan Aedes setiap minggu.